

國讀
刪正

小學

外篇

貞

漢書門			
七	九	九	六
八	三	六	類
三	四	三	冊架函號類

內閣文庫			
元	七	九	六
八	九	九	六
函	一	三	冊架函號類

內閣文庫			
番號	漢	7996	
冊數	3 (3)		
函號	298	220	

新刊納本




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





小學卷之六

淺草文庫

陳選句讀

善行第六

此篇紀漢以來賢者所行之善行以實立教明倫敬身也凡

十一

呂榮公名希哲字原明申國正獻公之長子正
獻公居家簡重寡默不以事物經心而申國夫
人性嚴有法度雖甚愛公然教公事事循蹈規

矩

長上聲下同○正獻公名公著字晦叔相宋

封申國公簡簡要重重厚寡省事默慎言也
事物謂外事外物經猶縈也蹈猶行也規矩甫
喻禮度事事依循禮度而行下文所言是也

十歲祓寒暑雨侍立終日不命之坐不敢坐也
 日必冠帶以見長者平居雖甚熱在父母長者
 之側不得去巾襪縛袴衣服唯謹去上聲縛音
大縛繞也繞袴所以纏縛袴管者亦謂之偏首
之中足之襪脛之縛袴身之衣服皆不得去謹
則又加行步出入無得入茶肆酒肆市井里巷
 之語鄭衛之音未嘗一經於耳不正之書非禮
 之色未嘗一接於目鄭衛二國名其音淫熊氏
不妄正獻公通判潁州歐陽公適知州事焦先
 生千之伯強客文忠公所嚴毅方正正獻公招

延之使教諸子諸生小有過差先生端坐召與

相對終日竟夕不與之語諸生恐懼畏伏先生

方略降辭色潁州郡名歐陽公名修字永叔謚

歐陽公家諸子諸生皆謂榮公及其弟也端正也降猶舒也解也時公方十餘

歲內則正獻公與申國夫人教訓如此之嚴外

則焦先生化導如此之篤故公德器成就大異

衆人公嘗言人生內無賢父兄外無嚴師友而

能有成者少矣行成日德○呂榮公張夫人待

制諱显之之幼女也最鍾愛然居常至微細事

宋世學士有待制
 有直閣待制正四
 品

夫人之母二句當
在及夫人嫁呂氏
之句上於文為順

盆扶雨反音父又
奉符反音甫

教之必有法度如飲食之類飯羹許更益魚肉
不更進也時張公已為待制河北都轉運使矣
盪音溫使去聲○夫人榮公之妻待制官名諱
卽名也生日名死日諱鍾聚更再益增也都轉
運使亦官名張公已貴顯矣而示女子以儉約
如此非特教子者所當法亦守官者所當法也
及夫人嫁呂氏夫人之母申國夫人姊也一日
來視女見舍後有鍋釜之類大不樂謂申國夫
人曰豈可使小兒輩私作飲食壞家法耶其嚴
如此鍋音戈盆音甫樂音洛○張待制
呂正獻公皆魯叅政宗道之壻○唐陽
城為國子司業引諸生告之曰凡學者所以學

為忠與孝也諸生有久不省親者乎明日謁城
還養者二十輩有三年不歸侍者斥之養去聲
○唐李

氏王天下之號城字九宗
定州人謁告也斥逐也○安定先生胡瑗字

翼之患隋唐以來仕進尚文辭而遺經業苟趨
祿利及為蘇湖二州教授嚴條約以身先之雖
大暑必公服終日以見諸生嚴師弟子之禮解
經至有要義慙慙為諸生言其所以治己而後
治乎人者學徒千數日月刮削為文章皆傳經
義必以理勝信其師說敦尚行實後為大學四

師京其道必本於人倫明乎物理其教自小學灑掃應對以往脩其孝悌忠信周旋禮樂其所以誘掖激勵漸摩成就之道皆有節序其要在於擇善修身至於化成天下自鄉人而可至於聖人之道灑掃並去聲漸音尖○誘之掖之使有進激之勵之使無退漸之摩之使不苦其難皆所以成就之正學不出乎人倫物理而已灑掃應對以至周旋禮樂小學之教也誘掖激勵漸摩成就之成其始也擇善修身以至化成天下大學之教也自鄉人而至於聖人之道成其終也其學行皆中於是者為成德取材識明達可進於善者使日受其業擇其學明德尊者為

大學之師次以分教天下之學行中並去聲○中於是謂合於小學大學之教者以成德為師取材識之明達者受其教及學之既成上者使教國學其次以分教州縣之學也此三節言擇師之法擇士入學縣升之州州賓興於大學大學聚而教之歲論其賢者能者於朝朝音潮○縣謂縣學州謂州學王制曰論定然後官之凡選士之法皆以性行端潔居家孝悌有廉耻禮讓通明學業曉達治道者選亦擇也此兩節言擇士之法朱子曰明道論學制最為有本讀之未嘗不慨然發嘆也○伊川先生看詳學制大槩以為學校禮義相先之地而月使之爭殊非教養之道

請改試為課有所未至則學官召而教之更不

考定高下伊川嘗充崇政殿說書同孫覺等看詳國子監條制相先猶相尚月使之爭謂月有試以較其

高下是使之爭競也制尊賢堂以延天下道德之士

鑄解額以去利誘省繁文以專委任勵行

檢以厚風教及置待賓吏師齋立觀光法如是

者亦數十條鑄子全切解居隘切去上聲行去聲○制置也延待也鑄謂刻定之

解猶貢也額猶數也宋元豐中以利祿誘士國

學解額增至五百人來者奔湊程子蓋欲量留

百人餘四百分於州郡使士人各安鄉土也省

減也繁文吏牘之類師儒之官不責以小文所

以專委任也行檢謂行誼名檢待賓齋所以待

行能可賓敬者吏師齋則通於治道可為吏之

師法者居之觀光謂觀見國之盛德光輝立觀光法蓋以處來學之士也○藍田呂

氏鄉約曰凡同約者德業相勸藍田縣名呂氏兄弟四人

大防大鈞大臨鄉約與鄉人約誓也勸勉也本

註德謂見善必行聞過必改能修其身能治其

家能事父兄能教子弟能御僮僕能事長上能

睦親故能擇交遊能守廉介能廣施惠能受寄

託能救患難能導人為善能規人過失能為人

謀事能為眾集事能解鬭爭能決是非能與利

除害能居官舉職業謂居家則事父兄教子弟

待妻妾在外則事長上接朋友教後生御僮僕

至於讀書治田營家濟物如禮樂射御書過失

相規規猶戒也本註犯義之類皆為無益過失

不忠信五日造言誣毀六日管私太甚不修之

過五一日交非其人二日遊戲怠惰三日動作

無儀四日臨事不節本註謂婚姻喪葬禮俗相交祭祀之禮有往還

書問慶難去聲患難相恤○本註一曰水二

亦書之三犯而行罰不悛者絕之及也悛改也

誠意至於平天下灑掃應對至於窮理盡性循

循有序格物致知所以求知所止誠意正心修

掃應對小學之教也窮理即致知至於知止之

事盡性即誠意至於平天下之事大學之教也

循循有次序貌謂先習之於小學而後進

之於大學而大學之教又自有其序矣病世

之學者捨近而趨遠處下而闕高所以輕自大

而卒無得也闕音窺○病患也趨奔也闕猶闕

入循循有序蓋病乎此矣吳氏曰行遠自近升

高自下學之序也自大小學之序言之灑掃應

對近者下者也窮理盡性高者遠者也以大學

之序言之格物致知誠意正心脩身非近而下

者乎齊家治國平天下非高而遠者乎

右實立教凡八

江革少失父獨與母居遭天下亂盜賊並起革

負母逃難備經險阻常採拾以為養數遇賊或

劫欲將去革輒涕泣求哀言有老母辭氣愿款

轉客、流轉而客居也。

建武末年、革與母歸里、里人稱曰江巨孝。

有足感動人者、賊以是不忍犯之、或乃指避兵之方、遂得俱全於難。少難養、並去聲、數音朔、願音願。○革字次翁、漢臨淄人、負謂以背負之、備經險阻、謂徧歷道路之艱、危採拾、謂採取草木之可食者、數頻也、却欲將去、謂欲脅革以去也、愿款誠、誠也、俱全、謂母子皆保全也。轉客下邳、貧窮裸跣、行傭以供母、便身之物莫不畢給。裸魯果切、跣蘇典切、傭音庸。○轉客、猶飄泊下邳、郡名、裸、露身、跣、露足、行傭、為雇工也、便身之物、謂母身所便安之物、畢、猶皆也、給、猶足也、革困於寒、餒而養母、乃如此、可謂能竭其力矣。薛包好學、篤行、父娶後妻、而憎包、分出之、包日夜號泣、不能去、至被毆杖、不得已、廬於舍外、旦入而灑

掃、父怒、又逐之、乃廬於里門、晨昏不廢、積歲餘、父母慚而還之、後服喪過哀。好行並去聲、號平聲、毆音嘔。○包字

孟嘗、漢汝南人、不能、猶不忍、里門巷門也、不廢、謂不廢定省之禮。既而弟子求分財、異居、包不能止、乃中分其財、奴婢引其老者、曰、與我共事久、若不能使也、田廬取其荒頓者、曰、吾少時所理、意所戀也、器物取其朽敗者、

曰、我素所服食、身口所安也、弟子數破其產、輒復賑給。少去聲、戀龍眷切、數音朔、復去聲。○既分也、共事、同事也、若汝也、指弟子荒、謂田畝荒蕪、頓、謂廬舍傾頓、服用也。○王祥性

謂田畝荒蕪、頓、謂廬舍傾頓、服用也。○王祥性

解衣者以割冰之勞也俗說或云賦水上喜談之之過也誠心為親求物而有不之得其為孝則同矣其得之偶然耳姜詩孟宗郭巨之類皆然以為孝感是評賞之言或以為實有此理則愚也

孝蚤喪親繼母朱氏不慈數譖之由是失愛於父每使掃除牛下祥愈恭謹父母有疾衣不解帶湯藥必親嘗母嘗欲生魚時天寒冰凍祥解衣將剖冰求之冰忽自解雙鯉躍出持之而歸母又思黃雀炙復有雀數十飛入其幕復以供母鄉里驚嘆以為孝感所致有丹柰結實母命守之每風雨祥輒抱樹而泣其篤孝純至如此數音朔譖則禁切剖音厚切炙音柰幕音莫○祥字休徵晉瑯琊人親母也譖毀也失愛於父不得父之愛也牛下牛糞剖破也炙炙肉驚嘆驚異嗟嘆也孝感謂魚雀之至皆孝誠之感動

也丹紅色柰果名

○王哀字偉元父儀為魏安東將軍

司馬昭司馬東關之敗昭問於眾曰近日之事

誰任其咎儀對曰責在元帥昭怒曰司馬欲委

罪於孤耶遂引出斬之魏曹氏篡國之號上司

馬覆姓下司馬官名言儀為魏國安東將軍司

馬昭之司馬也東關地名敗謂戰敗咎罪也元

帥稱昭孤哀痛父非命於是隱居教授三徵七

辟皆不就廬于墓側旦夕常至墓所拜跪攀栢

悲號涕淚著樹樹為之枯讀詩至哀哀父母生

我劬勞未嘗不三復流涕門人受業者並廢蓼

我之篇辟音壁號平聲著直畧切為去聲復音

福蓼音六○朝廷召曰徵郡國舉曰辟

哀哀父母生我劬勞蓼莪詩辭三復謂再三反覆誦之廢蓼莪篇者恐其師哀感故舍之而不

也家貧躬耕計口而田度身而蠶或有密助之

者哀皆不聽及司馬氏篡魏哀終身未嘗西向

而坐以示不臣于晉度音鐸篡初患切○密猶私也聽猶從也逆而奪取

之日篡昭既死子炎篡魏自立為晉衣食不求豐裕而坐不面闕皆痛父非命不忍故爾

晉西河人王延事親色養夏則扇枕席冬則以

身溫被隆冬盛寒體常無全衣而親極滋味去聲扇平聲○西河縣名延字延元色養以和悅之顏色而奉養也以用也全完也滋味猶言甘

貞

○柳玘曰崔山南昆弟子孫之盛鄉族罕比

山南曾祖王母長孫夫人年高無齒祖母唐夫

人事姑孝每旦櫛縱笄拜於階下即升堂乳其

姑長孫夫人不粒食數年而康寧乳去聲○山

陵人為山南西道節度使故稱山南昆兄也王大也曾祖王母即曾祖母也姓長孫不粒食而康樂安寧

由飲乳也一日疾病長幼咸萃宣言無以報新

婦恩願新婦有子有孫皆得如新婦孝敬則崔

之門安得不昌大乎長上聲○疾甚

黔婁為辱陵令到縣未旬父易在家遘疾黔婁

體既分則疾痛苛
瘵不相通是理之
常也心驚汗出是
至誠之發得偶中
也何理之自然之
有借令其不中其
為孝則同矣

差與痿通才地反
義同
劇渴戟反音履無
極音
替音啓無起音
替類與替首同首
至地而止之也叩
頭首觸地而叩之
也故有至楊額流
血者註混而一之
非矣

忽心驚舉身流汗即日棄官歸家家人悉驚其

忽至屬鈕山切易音異下同邁音垢○南南朝

旬十日也易黔婁父各邁遇也熊氏曰父子

一體而分父疾而子心驚汗出自然之理也時

易疾始二日醫云欲知差劇但嘗糞甜苦易泄

利黔婁輒取嘗之味轉甜滑心愈憂苦至夕每

稽顙北辰求以身代差楚戒切劇音極替音起

甚日劇醫蓋以糞甜則病甚糞苦則

病愈也稽顙叩頭也北辰北極也○海虞令

何子平母喪去官哀毀踰禮每哭踊頓絕方蘇

屬大明末東土饑荒繼以師旅八年不得營葬

屬音蜀無竹音

祖去上衣露中衣
也露臂是射之事
非喪禮也

晝夜號哭常如袒括之日冬不衣絮夏不就清

涼一日以米數合為粥不進鹽菜所居屋敗不

蔽風日兄子伯興欲為葺理子平不肯曰我情

事未申天地一罪人耳屋何宜覆屬音竹號平

下為並去聲葺音緝覆敷救切○海虞縣名子

平南朝會稽人哀毀踰禮痛傷過於禮也頓絕

遽然氣絕也蘇猶醒也屬猶會也大明年號東

土即會稽軍法二千五百人為師五百人為旅

營謀為也祖露臂括括髮人子初喪之
禮也葺修補也情事未申謂親未葬也
蔡興宗

為會稽太守甚加矜賞為營塚壙下為去聲○

賞者嘉
其孝○朱壽昌生七歲父守雍出其母劉氏

次左氏再宿謂信
過信謂次之次蓋
多日淹留也

嫁民間，母子不相知者五十年。壽昌行四方，求之不已，飲食罕御，酒肉與人言輒流涕。雍去聲，下同。熙寧初，棄官入秦，與家人訣，誓不見母，不復還。行次同州，得馬劉氏，時年七十餘矣。雍守錢明逸以事聞，詔壽昌還就官，繇是天下皆知其孝。秦，卽雍州之地，訣別也。次，猶至也。明逸，字子飛，聞謂言之于朝。壽昌法，棄官不得復就，以尋母故，優詔許之。再為郡守，至是以母故，通判河中府，迎其同母弟妹，以歸居。數歲，母卒，涕泣幾喪，明拊其弟妹。

通判在郡守之上，
恐非辭而得之也。

益篤為買田宅居之，其於宗族尤盡恩意。嫁凡第之孤女二人，葬其不能葬者十餘喪，蓋其天性如此。幾平聲，喪明之喪去聲，拊音府，下為去聲。○河中府近同州，壽昌嘗為閬廣德二郡守，至是以便於養母之故，辭郡守而為河中通判，拊安慰也。推愛母之心而篤於同母弟妹，推愛父之心而篤於宗族，凡餘蓋至孝出於天性而然也。○伊川先生家治喪不用浮屠，在洛亦有一二人家化之。浮屠也，洛水名，在河南。○霍光出入禁闈二十餘年，小心謹慎，未嘗有過，為人沈靜詳審，每出入下殿門，進止有常處，郎僕射竊識視之，不失尺寸。闈音連，下去聲。

黠又於咸切義同

射音夜識音志○光字子孟漢平陽人為大將軍禁闈宮中小門也深沉安靜不浮躁也精詳審密不羸率也進止一進一止也即僕射皆官名不失尺寸亦猶言一步不差耳○汲黯景帝時為太子洗馬以嚴見憚武帝即位召為主爵都尉以數直諫不得久居位是時太后弟武安侯田蚡為丞相中二千石拜謁蚡弗為禮黯見蚡未嘗拜揖之黯乙咸切洗蘇典切數音朔蚡音忿相去聲下同○黠字長孺漢濮陽人太子洗馬官名以嚴見憚以正直為景帝所敬憚也主爵都尉亦官名以猶因也中滿也中二千石謂九卿之官歲俸滿二千石也蚡負貴而驕人黠獨不為之屈但揖之而已上方招文學儒者上曰吾欲云云黯

對曰陛下內多欲而外施仁義奈何欲效唐虞之治乎上怒變色而罷朝公卿皆為黯懼上退謂人曰甚矣汲黯之戇也治為皆去聲朝音潮下同戇音撞○上謂武帝云云猶言如此如此蓋言效唐虞之治也心多欲如好征伐好神仙之類唐虞堯舜也戇愚也帝不罪黯而容之君人之度偉矣羣臣或數黯黯曰天子

置公卿輔弼之臣寧令從諛承意陷主於不義乎且已在其位縱愛身奈辱朝廷何數上聲○弼輔德而弼違也從諛承意順從阿諛以奉承上意也已既也黯多病病且滿三月上常賜告者數終不瘳最後嚴助為請告

上曰波黯何如人也曰使黯任職居官亡以喻
 人然至其輔少主守成雖自謂資首弗能奪也
 上曰然古有社稷之臣至如波黯近之矣數音朔
音愈亡音無為少皆去聲貫音奔○漢法病滿三月當免官告休假也瘡通作愈病痊也嚴助人姓名時為侍中瘡當作踰過也孟賁夏育皆古之有レ力者言黯之正直若托之擁輔幼君以保守成業雖自謂有資育之勇者亦不能奪其大節也然是其言也社稷臣能安社稷者大將軍青侍中上踞廁視之丞相弘宴見上或時不冠至如見黯不冠不見也上嘗坐武帳黯前奏事上不冠望見黯避帷中使人可其奏其見

廁如字園也如今王侯貴人患痔疾者登園或至移二三時往往命近臣侍話以消疲倦武帝踏廁亦恐此類耳

敬禮如此宴見之見音現○青衛青侍中侍於弘宴見宴閑時進見也嘗會也武帳帳中置兵衛者可猶是也從其奏則稱制曰可○初
 魏遼東公翟黑子有寵於太武奉使并州受布千疋事覺黑子謀於著作郎高允曰主上問我當以實告為當諱之允曰公帷幄寵臣有罪首實度或見原不可重為欺罔也中書侍郎崔鑒公孫質曰若首實罪不可測不如姑諱之黑子怨允曰君奈何誘人就死地入見帝不以實對帝怒殺之翟音狄使重首為當之為皆去聲弁音兵幄一角切○史氏紀事而原其

始則曰初此則節取其事而失刪也魏元魏太
 武魏帝覺發覺也允字伯恭諱隱諱也惟幄寵
 臣侍帷幄受寵眷之臣也首自陳也宥罪曰原
 重再也言已受賄若更隱諱是再造欺罔之罪
 也崔鑒公孫質皆中書侍郎測度姑且誘引也
 帝使允授太子經及崔
 浩以史事被收太子謂允曰入見至尊吾自導
 卿脫至尊有問但依吾語崔浩為司徒與允等
 筆太武怒其暴揚國惡收浩誅之將及太子見
 於允故太子欲指導其生路脫儻若也太子見
 帝言高允小心慎密且微賤制由崔浩請赦其
 死帝召允問曰國書皆浩所為乎對曰臣與浩
 共為之然浩所領事句多總裁而已至於著述

多謂十得七八與
 皆不同

臣多於浩帝怒曰允罪甚於浩何以得生太子
 懼曰天威嚴重允小臣迷亂失次耳臣鄉問皆
 云浩所為帝問允信如東宮所言乎對曰臣罪
 當滅族不敢虛妄殿下以臣侍講日久哀臣欲
 丐其生耳實不問臣臣亦無此言不敢迷亂音
 向丐音蓋○微賤言其職之卑制著述也多猶
 皆也總裁謂總其大綱而裁正之紀事曰著纂
 言曰述失次謂所對失其次序鄉猶昔也
 東宮太子之宮殿下太子之稱丐乞也
 帝顧謂太子曰直哉此人情所難而允能為之臨死
 不易辭信也為臣不欺君貞也宜特除其罪以

庶或見原，是導黑
子以理之，或然者
非僥倖之機，僥倖
係行險者，首實理
之當然，而萬死中
非無一生路，黑子
惶惑，唯欲免一死
既舉首實與姑諱
之兩端，問之故高
允告以理之所有
耳，但其罪既重而
生不可必，故或之
語意俱得其當矣
恐負黑子是高允
不自夸大之美意
前日偶有黑子之
事，故退托以爲此
故爾，其退讓之衷
可見焉，劉氏兩駁
以爲史筆不可信
者，何爲誤之甚

旌之遂赦之直哉贊其直也他日太子讓允曰
吾欲爲卿脫死而卿不從何也允曰臣與崔浩
實同史事死生榮辱義無獨殊誠荷殿下再造
之慈違心苟免非臣所願也太子動容稱嘆爲
皆去聲○讓責也殊異也言當與浩
同之再造猶言再生動容變貌也允退謂人
曰我不奉東宮指導者恐負翟黑子故也靜修
曰高允告黑子之言忠情之直亮而作史者遽
繼之以庶或見原則所謂首實者乃所以爲僥
倖之資又以不奉東宮指導爲恐負黑子則允
所以爲是者非以理義之當然第以此爾此皆
史臣不明義理而於遣辭之際輕爲增損○李
使允忠亮之心不白豈直筆可信之史乎

君行先生名潛，虔州人，入京師，至泗州，留止，其
子弟請先往，君行問其故，曰：科場近，欲先至京
師，貫開封戶籍，取應，君行不許，曰：汝虔州人，而
貫開封戶籍，欲求事君，而先欺君，可乎？寧遲緩
數年，不可行也。虔音乾○君行字潛名，宋人也，
同籍以應○崔玄暉，母盧氏嘗誡玄暉曰：吾見
姨兄屯田郎中辛亥馭，曰：兒子從宦者，有人來，
云貧乏不能存，此是好消息，若聞貲貨充足，衣
馬輕肥，此惡消息，吾嘗以爲確論。驛音偉，馭音

玄暉名畢唐博陵人仕至宰相姨兄姨之子長於我者也貧必廉故曰好消息富必貪故曰惡息
 比見親表中仕宦者將錢物上其父母父母但知喜悅竟不問此物從何而來必是祿俸餘資誠亦善事如其非理所得此與盜賊何別縱無大咎獨不內愧於心玄暉遵奉教誠以清謹見稱別必列切○比近也親同姓表外姓非理所得如竊官物剝中民財皆是咎罪也言罪雖幸免心實有愧矣
 ○劉器之待制初登科與二同年謁張觀叅政二人同起身請教張曰某自守官以來常持四字勤謹和緩中間一後生應聲曰勤

謹和既聞命矣緩之一字某所未聞張正色作氣曰何嘗教賢緩不及事且道世間甚事不因忙後錯了器之名安世宋元城人待制叅政皆官各勤以從政謹以持身和以待人緩以處事未聞猶未諭也賢稱後生也蓋緩非迂緩不及事之謂乃從容不忙迫之謂耳
 ○伊川先生曰安定之門人往往知稽古愛民矣則於為政也何有門人如劉晏錢藻孫覺范純仁錢公輔是也稽古經義齋之事愛民治事齋之事何有言不難也
 ○呂榮公自少官守處未嘗于人舉薦其子舜從守官會稽人或譏其不求知者舜從對曰勤於職事其他不敢不慎乃

戊殊遇反音樹

所以求知也少去聲會音檜○官守以官○漢

陳孝婦年十六而嫁未有子其夫當行戍且行

時屬孝婦曰我生死未可知幸有老母無他兄

弟備養吾不還汝肯養吾母乎婦應曰諾戍音

音竹下同養去聲下同○孝婦漢夫果死不還

婦養姑不衰慈愛愈固紡績織紝以為家業終

無嫁意慈愛愈固姑慈婦愛愈深固也居喪三

年其父母哀其少無子而蚤寡也將取嫁之孝

婦曰夫去時屬妾以供養老母妾既許諾之夫

養人老母而不能卒許人以諾而不能信將何

以立於世欲自殺其父母懼而不敢嫁也遂使

養其姑二十八年姑八十餘以天年終盡賣其

田宅財物以葬之終奉祭祀少去聲夫養之夫

死不嫁節也養姑而生淮陽太守以聞使使者

賜黃金四十斤復之終身無所與號曰孝婦

使者之使與皆去聲復音福○淮陽漢鮑宣

妻桓氏字少君宣嘗就少君父學父奇其清苦

故以女妻之裝送資賄甚盛宣不悅謂妻曰少

君生富驕習美飾而吾實貧賤不敢當禮之少妻

妻並去聲賄音悔○宜字子都渤海人清謂澹泊苦謂憂勤學以清苦而成行以清苦而立士能如此亦奇矣

妻曰大人以先生修德守約故使賤妾

侍執巾櫛既奉承君子惟命是從宜笑曰能如

是是吾志也妻乃悉歸侍御服飾更著短布裳

與宜共挽鹿車歸鄉里拜姑禮畢提甕出汲修

行婦道鄉邦稱之更平聲著音酌挽音晚○大

以德稱其夫也約即清苦之謂歸謂還于父家侍御婢妾也服飾資粧也引車曰挽鹿車小車可容一

鹿者○曹爽從弟文叔妻譙郡夏侯文寧之

著音考又直略反

女名令女文叔蚤死服闋自以年少無子恐家

必嫁已乃斷髮為信其後家果欲嫁之令女聞

即復以刀截兩耳居止常依爽及爽被誅曹氏

盡死令女叔父上書與曹氏絕昏疆迎令女歸

譙音樵闕音缺斷音短從少皆去聲復扶又切強上聲○曹爽魏宗室從弟同祖之弟夏侯覆

姓文寧名闕終斷截誅殺也司馬懿殺爽夷其族時文寧為梁相憐其

少執義又曹氏無遺類冀其意阻乃微使人風

之令女嘆且泣曰吾亦惟之許之是也家以為

信防之少懈句令女於是竊入寢室以刀斷鼻

蒙被而臥其母呼與語不應發被視之血流滿
 床席舉家驚惶往視之莫不酸鼻音解斷音短○無遺類盡死也冀其意阻幸其阻守義之意而改適也風謂以言動之惟思也竊私
 或謂之曰人生世間如輕塵棲弱草耳何
 辛苦乃爾且夫家夷滅已盡守此欲誰為哉令
 女曰聞仁者不以盛衰改節義者不以存亡易
 心曹氏前盛之時尚欲保終况今衰亡何忍棄
 之禽獸之行吾豈為乎誰為之為行並去聲○輕塵棲弱草熊氏曰輕塵易散弱草難依適然棲泊颺即去矣非有纏固也而已曰耳如此曰爾夷誅也守此謂守義

一本自在作獨在
 本傳亦然

鼓擊物作聲也註
 舞字不必言
 杖挺也非兵刃故
 下文言捶擊而不
 言斬割其言冒白
 刀者蓋盜杖外又
 持兵器也

不仁不義禽獸之行也 ○唐鄭義宗妻盧氏略涉書史事
 舅姑甚得婦道嘗夜有強盜數十持杖鼓譟踰
 垣而入家人悉奔竄唯有姑自在室盧冒白刃
 往至姑側為賊捶擊幾死杖音仗譟先到切竄取亂切冒音墨為去聲捶主蔬切幾平聲○涉涉水在書史則泛觀之也杖兵器也鼓譟鼓舞呼譟也奔竄奔走竄匿也冒賊去後家人問何獨不懼盧氏曰人所犯也
 以異於禽獸者以其有仁義也鄰里有急尚相
 赴救况在於姑而可委棄乎若萬一危禍豈宜
 獨生五家為鄰二十五家為里危禍謂姑獨生謂已 ○唐奉天竇氏二

落無居意蓋接連
羅列之義竹落籬
落句奴部落之落
皆同

女生長草野幼有志操永泰中羣盜數千人剽掠其村落一女皆有容色長者年十九幼者年十六匿巖穴間曳出之驅迫以前臨壑谷深數百尺其姊先曰吾寧就死義不受辱即投崖下而死盜方驚駭其妹繼之自投折足破面流血羣盜乃捨之而去長上聲剽音票曳音裔○奉天縣名永泰年號剽掠攻劫也村落村居也匿藏也曳拖也前謂前行捨之謂捨其妹京兆尹第五琦嘉其貞烈奏之詔旌表其門閭永蠲其家丁役涓○京兆郡尹官第音蠲琦名蠲除也○繆彤少孤兄弟四人皆

同財業及各取妻諸婦遂求分異又數有鬪爭之言彤深懷忿嘆乃掩戶自搥曰繆彤汝修身謹行學聖人之法將以齊整風俗奈何不能正其家乎第及諸婦聞之悉叩頭謝罪遂更為敦睦之行繆音木彤音容少去聲取音娶數音朔槌職瓜切行去聲更平聲○彤字豫公漢汝南人幼而無父曰孤搥打更改敦厚睦和也○蘇瓊除南清河太守有百姓乙普明兄弟爭田積年不斷各相援據乃至百人瓊召普明兄弟諭之曰天下難得者兄弟易求者田地假令得田地失兄弟心如

何因而下淚諸證人莫不灑泣普明兄弟叩頭

乞外更思分異十年遂還同住斷都玩切易音

○瓊字珍之北朝人南清河郡乙姓普明名斷

決也援據攀援他人為證據也諭曉也如何問

之以發動其良心也太守下淚而諸證人

灑泣普明兄弟悔過可以見人心之天矣○王

祥第覽母朱氏遇祥無道覽年數歲見祥被楚

撻輒涕泣抱持至于成童每諫其母其母少止

凶虐朱屢以非理使祥覽與祥俱又虐使祥妻

屢龍遇反音慮

覽妻亦趨而共之朱患之乃止屢音慮○覽

也楚痛也成童十五○晉右僕射鄧攸永嘉末

沒于石勒過泗水攸以牛馬負妻子而逃又遇

賊掠其牛馬步走擔其兒及其弟子綏度不能

兩全乃謂其妻曰吾弟蚤亡唯有一息理不可

絕止應自棄我兒耳幸而得存我後當有子妻

泣而從之乃棄其子而去之卒以無嗣射音夜

應平聲○右僕射官名攸字伯道平陽人永嘉

年號沒陷沒石勒字世龍匈奴人息子息弟于

弟之子綏時人義而哀之為之語曰大道無知

其名也○晉咸寧中大疫庾家二兄俱

使鄧伯道無兒弟子綏服攸喪三年為去聲○

能存姪也服喪三年如喪父也

毗音琵琶
癘音例無利音
差初加反

亡次兄毗復危殆癘氣方熾父母諸弟皆出次
于外袞獨留不去諸父兄強之乃曰袞性不畏
病遂親自扶持晝夜不眠其間復撫柩哀臨
不輟如此十有餘旬疫勢既歇家人乃反毘病
得差袞亦無恙疫音役毗音皮復扶又切癘音
利熾昌志切強上聲間音澗臨
去聲輟音拙有音又差楚戒切恙音樣○咸寧
年號疫癘皆瘟疾袞字叔褒毗次兄名危殆謂
病甚也熾盛次舍也間空隙也臨哭輟止差愈恙病也父老咸曰異哉此
子守人所不能守行人所不能行歲寒然後知
松栢之後凋始知疫癘之不能相染也父老鄉
之高年

者異哉稱其所守所行異於人也後凋謂後於衆木之凋○揚播家世純厚
並敦義讓昆季相事有如父子椿津恭謙兄弟
旦則聚於廳堂終日相對未嘗入內有一美味
不集不食廳堂間往往幃幔障為寢息之所
時就休偃還共談笑幔莫半切○播字延慶北
朝人昆季兄弟也椿字延
壽津字羅漢休亦
息也偃猶臥也椿年老曾他處醉歸津扶持
還室假寢閤前承候安否寢本傳作寐○假寢
不脫衣冠而寢也閤
謂室椿津年過六十並登台鼎而津常旦莫參
問子姪羅列階下椿不命坐津不敢坐莫音暮
○台鼎

匙辰之切

三公之稱如下星之有三合鼎之有三足椿每近也椿為司徒津為司空故曰並登合鼎椿每近出或日斜不至津不先飯椿還然後共食食則津親授匙箸味皆先嘗椿命食然後食津為肆州椿在京宅每有四時嘉味輒因使次附之若或未寄不先入口一家之內男女百口總服同爨庭無間言飯上聲匙音時箸音住爨取亂切使間並去聲○京宅宅在京也嘉味美味也未寄于兄則不先食總麻之○隋史服同炊爨四世不分異也間言異言也部尚書牛弘弟弼好酒而酗嘗醉射殺弘駕車牛弘還宅其妻迎謂弘曰叔射殺牛弘聞無所

醕沉具反以酒為醕也
輟又張劣反

恠問直答曰作脯坐定其妻又曰叔射殺牛大是異事弘曰已知顏色自若讀書不輟好去聲醕許御切脯音府輟音拙○弘字里仁安定人○唐英弟名弼醕酒狂也直猶但也輟止也公李勣貴為僕射其姊病必親為燃火煮粥火焚其鬚姊曰僕妾多矣何為自苦如此勣曰豈為無人耶顧令姊年老勣亦老雖欲數為姊煮粥復可得乎勣音迹射音夜數音朔為復並去聲○勣字懋功封英公僕射唐宰相顧猶念也○司馬溫公與其兄伯康友愛尤篤伯康年將八十公奉之如嚴父保之如嬰兒每食

少頃則問曰得無饑乎天少冷則拊其背曰衣

得無薄乎拊音府○伯康名且吳氏曰奉之如嚴父敬之至也保之如嬰兒愛之至

也老人腸胃弱易飽易饑氣體虛易寒易熱故公撫問之勤如此○近世故家

惟晁氏因以道申戒子弟皆有法度羣居相呼

外姓尊長必曰某姓第幾叔若兄諸姑尊姑之

夫必曰某姓姑夫某姓尊姑夫未嘗敢呼字也

其言父黨交游必曰某姓幾丈亦未嘗敢呼字

也當時故家舊族皆不能若是晁音潮長上聲○故家舊家惟

獨也以道名說之澶淵人若及也尊者曰其姓第幾叔長者曰某姓第幾兄姑父之姊妹也尊

姑祖之姊妹也父黨交游父之友也稱○包孝

姓稱行稱位而不呼字皆謙厚之道

肅公尹京時民有自言以白金百兩寄我者死

矣予其子不肯受願召其子予之尹召其子辭

曰亡父未嘗以白金委人也兩人相讓久之音

與○公名拯字希仁孝肅謚也宋廬州人尹京時為京尹之時呂榮公聞之曰

世人喜言無好人三字者可謂自賊者矣古人

言人皆可以為堯舜蓋觀於此而知之賊害也古人謂

孟子人無有不善故皆可以為堯舜蓋疑辭此指讓金而言猶言此等事也○萬石君石奮歸老于家過宮門闕必下車趨見路馬

必軾馬子孫為小吏來歸謁萬石君必朝服見之。不名子孫有過失不諂讓為便坐對案不食。然後諸子相責因長老肉袒固謝罪改之乃許。

朝音潮諄在笑切下為去聲長上聲下同袒音但下同○漢石奮與四子皆官至二千石故號萬石君歸老老而歸也路馬說見稽古諄讓謂以言責之坐於便室設食於案對之而不食自責也長老族之高年者肉袒袒衣露肉也固再三也許謂許其改過而已復坐復食也

子孫勝冠者在側雖燕必冠申申如也。僮僕訢訢如也。唯謹。上時賜食於家必稽首俯伏而食。

勝音升側音則訢音銀○勝冠謂年冠也唯謹及冠者燕謂燕居申申和順也訢訢和悅也和則易肆故加謹

稽首與叩頭異辨見于前

質猶朴實也

廁諭二便之器耳本註云廁諭近身之小衫若今汗衫恐非矣

如在上前其執喪哀戚甚子孫遵教亦如之。

啓○稽首即叩首稽首俯伏而後起食敬也

萬石君家以孝謹聞乎郡國。雖齊魯諸儒質行皆自以為不及也。

孝謹即下宮門闕等事齊魯二國名質猶謹也

長子建為郎中令少子慶為內史。建老白首萬石君尚無恙。每五日洗沐歸謁親入子舍竊問侍者取親中褌廁諭身自浣滌復與侍者不敢令萬石君知之以為常。

恙音樣褌音裙諭音投浣音緩滌音狄○恙病也漢法在官五日則休暇一日以洗身沐首子舍小房親謂萬石君中褌中衣廁諭穢器不使親知者共為子

職而又欲親心安也內史慶醉歸入外門不下車萬石君

聞之不食慶恐肉袒謝罪不許舉宗及兄建肉

袒萬石君讓曰內史貴人入閭里里中長老皆

走匿而內史坐車中自如固當乃謝罷慶慶及

諸子入里門趨至家外門巷門舉宗猶言闔族

之也謝罷慶者許不過慶而復食也里門即巷門言自是以後入巷門則疾趨而歸不但下車

矣○疏廣為太子太傅上疏乞骸骨加賜黃金

二十斤太子贈五十斤歸鄉里日令家供其設

酒食請族人故舊賓客相與娛樂數問其家金

餘尚有幾斤趣賣以共其疏音疎骸音諧令平

朔趣音促共音供下同○廣字仲翁漢蘭陵人

太傅官名上疏乞骸骨猶今之告老也娛歡也

趣與促同共與供同言促居歲餘廣子孫竊謂

其昆弟老人廣所信愛者曰子孫冀及君時頗

立產業基址今日飲食費且盡宜從丈人所勸

說君置田宅老人即以閒暇時為廣言此計說

稅為去聲○冀欲也君指廣丈人即廣廣曰吾

豈老悖不念子孫哉顧自有舊田廬令子孫勤

力其中足以共衣食與凡人齊今復增益之以

說如字而義亦不異何必音稅

為贏餘但教子孫怠惰耳悖音佩令平聲後扶又切○老悖年老而
乖悖也贏亦餘也衣食有餘則子孫倚之而怠惰矣賢而多財則損其志
 愚而多財則益其過且夫富者眾之怨也吾既
 無以教化子孫不欲益其過而生怨又此金者
 聖主所以惠養老臣也故樂與鄉黨宗族共享
 其賜以盡吾餘日不亦可乎夫音扶樂音洛共如字○益增也
 ○龐公未嘗入城府夫妻相敬如賓劉表候之
 龐公釋耕於壟上而妻子耘於前表指而問曰
 先生苦居畎畝而不肯官祿後世何以遺子孫

乎龐公曰世人皆遺之以危今獨遺之以安雖
 所遺不同未為無所遺也表嘆息而去遺音位○龐公

字德公漢襄陽人劉表漢宗室候猶訪也釋猶罷也壟田間高處也畎田間水道也遺猶與也富貴者易危勤勞者常安理勢然也○陶淵明為彭澤令不以家

累自隨送一力給其子書曰汝旦夕之費自給
 為難今遣此力助汝薪水之勞此亦人子也可

善遇之累去聲○淵明字元亮晉潯陽人彭澤縣名家累妻子也力僕也給與也贍也
 也遇待○崔孝芬兄弟孝義慈厚弟孝曄等奉孝

芬盡恭順之禮坐食進退孝芬不命則不敢也

雞鳴而起且溫顏色一錢尺帛不入私房吉凶

有須聚對分給諸婦亦相親愛有無共之備音

孝芬北朝博陵人孝芬叔振既亡後孝芬等承奉叔母

李氏若事所生旦夕溫清出入啓覲家事巨細

一以咨決每兄弟出行有獲則尺寸以上皆入

李之庫四時分賚李氏自裁之如此二十餘歲

清七正切上上聲賚洛代切○孝芬之叔名振溫謂冬溫清謂夏清啓謂出必告覲謂反必面

獲得也○王凝常居慄如也子孫非公服不見

閨門之內若朝廷焉慄音栗朝音潮○疑字叔恬文中子之兪慄嚴謹貌

御家以四教勤儉恭恕正家以四禮冠婚喪祭

冠去聲○御治也勤以事事儉以制用恭以處己恕以待人四禮說見嘉言聖人之

書及公服禮器不假垣屋什物必堅朴曰無苟

費也門巷果木必方列曰無苟亂也假借也不假阮氏曰

皆自足也管築垣屋造設什物必渾堅朴素經畫門巷種種植果木必方整成列蓋其為人不苟故每事亦不苟如此

○張公藝九世同居北齊隋唐皆旌

表其門麟德中高宗封泰山幸其宅召見公藝

問其所以能睦族之道公藝請紙筆以對乃書

忍字百餘以進其意以為宗族所以不協由尊

忍字百餘是公藝謙讓之意蓋言睦族之道非有已修德以率之也但以家人大小相與能忍僅得無乖爭耳其冲退不伐之美藹如可掬矣旧解皆不及此意恐失本旨焉

長衣食或有不均、舛幼禮節或有不備、更相責望、遂為乖爭、苟能相與忍之、則家道雍睦矣。長聲更平聲。○公藝唐東平人北齊北朝高齊也麟德唐高宗年號封謂封土為壇以祭也泰山山名天子所至曰幸恐耐也協和也舛幼責望尊長之不均尊長責望舛幼之不備是更相責望也乖戾也雍和也。○韓文公作董生行曰淮水出桐栢山東馳遙遙千里不能休、淝水出其側不能千里、百里入淮流、壽州屬縣有安豐、唐貞元年時縣人董生召南隱居行義於其中、刺史不能薦、天子不聞名聲、爵祿不及門、門外惟有吏日來

通篇皆賦也初數句述其地理耳絕無興意

徵租更索錢。行如字淝音肥召音邵索音色○生名召南行歌類桐栢山在唐縣淝水在合淝縣安豐縣名貞元年號董生隱居行義於淮淝之間時之人不能與儔輩子為作此詩蓋賦而興也。嗟哉董生朝出耕、夜歸讀古人書、盡日不得息、或山而樵、或水而漁、入厨具甘旨、上堂問起居、父母不慙慙、妻子不咨咨。吳氏曰慙慙憂愁也咨咨嗟怨也父母安其孝故不憂妻子樂其慈故不怨。嗟哉董生孝且慈、人不識、惟有天翁知、生祥下瑞、無休期、家有狗乳、出求食、鷄來哺其兒、啄庭中拾蠹蟻、哺之不食、鳴聲悲、彷徨躑躅久不去。

以翼來覆待狗歸

乳去聲哺音步衍音旁徂音皇躑音躑躅音逐覆敷救切

○天翁猶言老天真生也躑躅跳貌吳氏曰董生孝慈之行獨天知之故祥瑞見於異類如此

嗟哉董生誰將與儔時之人夫妻相虐兄弟

為讎食君之祿而令父母愁亦獨何心嗟哉董

生無與儔儔音細令平聲○儔疋也朱子曰上句誰將與儔疑而問之之辭也下句

無與儔答而失之之辭也○唐河東節度使柳公綽在公卿

間最名有家法綽尺約切○河東道各節度使官名公綽字子寬中門

東有小齋自非朝謁之日每平旦輒出至小齋

諸子仲郢皆束帶晨省於中門之北公綽決私

事接賓客與弟公權及羣從弟再會食自旦至

莫不離小齋燭至則命一人子弟執經史躬讀

一過訖乃講議居官治家之法或論文或聽琴

至人定鐘然後歸寢諸子復昏定於中門之北

凡二十餘年未嘗一日變易朝音潮郢音穎從離並去聲莫音暮

○仲郢節度之子字諭蒙公權節度之弟字誠懸其遇饑歲則諸子皆

蔬食曰昔吾兄弟侍先君為丹州刺史以學業

未成不聽食肉吾不敢忘也上食音似○日節度言也父沒稱先

君聽猶許也姑姊妹姪有孤嫠者雖踈遠必為擇塔

姑姊妹姪凡從姑
從姊妹從姪以至
再從三從皆在其
中

嫁之皆用刻木粧奩纈文絹為資裝常言必待
資裝豐備何如嫁不失時發音離為擇之為去
聲奩音廉纈胡結切
○姪謂兄弟之女孤無父者發無夫
者奩鏡匣也纈文絹繫絹染為文者及公綽卒
仲郢一遵其法事公權如事公綽非甚病見公
權未嘗不束帶為京兆尹鹽鐵使出遇公權於
通衢必下馬端笏立候公權過乃上馬公權莫
歸必束帶迎候於馬首公權屢以為言仲郢終
不以官達有小改莫音暮○其指節度也
以上言家法之在外者公綽
妻韓氏相國休之曾孫家法嚴肅儉約為摺紳

履或作躡草履也
無徐行義或躡履
不躡跟也集成用
其義亦非矣

家楷範歸柳氏二年無少長未嘗見其啓齒常
衣絹素不用綾羅錦繡每歸觀不乘金碧輿祇
乘竹堦子一青衣步履以隨常命粉苦參黃連
熊膽和為丸賜諸子每永夜習學含之以資勤
苦楷口駭切少相衣和並去聲長上聲祇音止
堦當侯切屣音洗○相國宰相之稱休其名
也摺紳摺笏垂紳也楷範猶言法式婦人謂嫁
日歸啓齒笑也歸觀歸寧父母也竹堦子竹轎
也二青衣二僮使也屣徐行貌○江州陳氏宗
資助也此言家法之在內者
族七百口每食設廣席長幼以次坐而共食之
有畜犬百餘共一牢食一犬不至諸犬為之不

食

長上聲、畜許六切、為去聲。○陳氏名褒、南唐人、十世同居、犬知愛其類、和順之所感也。

○溫公曰、國朝公卿能守先法、久而不衰者、唯

故李相家子孫數世至二百餘口、猶同居共爨、

田園邸舍所收、及有官者俸祿、皆聚之一庫、計

口日給餉、婚姻喪葬所費、皆有常數、分命子弟

掌其事、其規模大抵出於翰林學士宗諤所制

也。朝音潮、相去聲、邸音底。○國朝溫公自謂本朝也、李相名昉、字明遠、滁州人、為宰相、故稱

李相邸舍、客店也、宗諤、李相之子、字昌武。

右實明倫凡四十五章、李氏曰、首十章實父子之親、次八章實君臣之義、

平朝水水

次五章實夫婦之別、次十章實長幼之序、次一章實朋友之交、後十一章通實五倫之義、或問此篇似少朋友章、朱子曰、當時是衆編類來、偶缺此耳。

或問第五倫曰、公有私乎、對曰、昔人有與吾千里馬者、吾雖不受、每三公有所選舉、心不能忘

而亦終不用也、吾兄子嘗病、一夜十往、退而安

寢、吾子有疾、雖不省視、而竟夕不眠、若是者、豈

可謂無私乎、第五姓、倫名、字伯魚、漢京兆人、為司空、以公正稱、周以太師、太傅、太

保為三公、東漢以太尉、司徒、司空為三公、竟終也、朱子曰、不薦自是好、然於心終不忘、便是喫他取舉意思、不過這便是私意、又曰、如十起與不起、便是私、這便是避嫌、只是他見得這意思、

平陵京兆槐里

已是大段做工夫。○劉寬雖居倉卒未嘗疾言

遽色夫人欲試寬令恚伺當朝會裝嚴已訖使

侍婢奉肉羹翻汚朝衣婢遽收之寬神色不異

乃徐言曰羹爛汝手乎其性度如此倉上聲卒

音句令平聲恚音惠伺音似朝音潮奉音捧汚

去聲○寬字文饒漢弘農人恚怒也裝嚴謂莊

著嚴整○張湛矜嚴好禮動止有則居處幽室

必自脩整雖遇妻子若嚴君焉及在鄉黨詳言

正色三輔以為儀表好處並去聲○湛字子孝

馮皮冰反
翊音弋

建武初為左馮翊告歸平陵望寺門而步主簿

進曰明府位尊德重不宜自輕湛曰禮下公門

軼路馬孔子於鄉黨恂恂如也父母之國所宜

盡禮何謂輕哉馮音平翊音亦○建武年號寺

恂信實○楊震所舉荊州茂才王密為昌邑令

謁見懷金十斤以遺震震曰故人知君君不知

故人何也密曰莫夜無知者震曰天知神知我

知子知何謂無知密愧而去遺音位莫音暮○

人嘗為荊州刺史故人震自謂君謂密熊氏

曰明不欺天幽不欺神內不欺心外不欺人○

茅容與等輩避雨樹下，眾皆夷踞相對，容獨危坐，愈恭。郭林宗行見之，而奇其異，遂與共言。因請寓宿，日日容殺鷄為饌。林宗謂為已設，既而供其母，自以草蔬與客同飯。林宗起拜之曰：「卿賢乎哉！」因勸令學，卒以成德。夷本作踈踈，音據下為去聲，令平聲。

○容字季偉，漢陳留人。夷踞，蹲坐也。危坐，以尻著蹠而坐也。林宗，名泰，太原人。異，謂異於眾。

○陶侃為廣州刺史，在州無事，輒朝運百甕於齋外，莫運於齋內。人問其故，答曰：「吾方致力中原，過爾優逸，恐不堪事。其勵志勸力，皆此類也。」

閩外謂將帥之職，不必問地方。

淮南子：聖人不貴尺之璧而重寸之陰。今按禹惜寸陰，未有考，必出於諸子而禹引之也。淮南子亦必據古書而言之耳。

甕音關，莫音暮。○侃字士行，晉鄱陽人。仕至大尉。甕，磚也。時中原陷沒，侃欲致力興復，故朝夕運甕以習勞也。後為荊州刺史，侃性聰敏，勤於吏職，恭而近禮，愛好人倫，終日斂膝危坐。閩外多事，千緒萬端，罔有遺漏。遠近書疏，莫不手答。筆翰如流，未嘗壅滯。引接疏遠，門無停客。好去聲，閩苦本切，疏去聲。

○愛，好人倫，尚名教也。閩外，謂邦域之外。常語，晉處江左，以荆楚為國之西門，故曰閩外。常語，人曰：大禹聖人，乃惜寸陰；至於眾人，當惜分陰。豈可逸遊荒醉，生無益於時，死無聞於後？是自棄也。諱去聲，陰光陰。○諸叅佐或以譚戲廢事者，乃命

樗丑居切又胡化切無樗音

取其酒器蒲博之具悉投之于江吏將則加鞭
朴曰樗蒲者牧猪奴戲耳老莊浮華非先王之
法言不可行也君子當正其衣冠攝其威儀何
有亂頭養望自謂弘達耶樗音蒲博音樞○蒲類浮華謂老聃莊周之言虛而無實也攝檢束也養望通鑑作跣足逸遊荒醉談戲廢事蓬頭跣足皆老莊尚玄虛棄禮法之流弊吳氏曰養望養其虛望也○王勃揚炯盧照鄰駱賓王皆有文名謂之四傑裴行儉曰士之致遠先器識而後文藝勃等雖有文才而浮躁淺露豈享爵祿之器耶揚子沈靜應得令長

餘得令終為幸其後勃溺南海照鄰投穎水賓
王被誅炯終盈川令皆如行儉之言上聲令終之令去聲溺音匿○行儉字守約唐絳州人器局識識見浮躁不沉靜也淺露不深潛也令長令尹令終善終盈川縣名○孔戡於為義若嗜慾不顧前後於利與祿則畏避退怯如懦夫然戡音堪懦音糯○戡字君勝孔子三十八世孫懦柔弱也言其勇於為義而怯於趨利祿如此○柳公綽居外藩其子每入境郡邑未嘗知既至每出入常於戟門外下馬呼幕賓為丈皆許納拜未嘗笑語款洽外藩謂節度使取屏蔽之義也○柳其門得列戟故曰戟門納受也○柳

仲郢以禮律身居家無事亦端坐拱手出內齋
 未嘗不束帶三為大鎮廐無良馬衣不熏香公
 退必讀書手不釋卷廐音救○仲郢嘗為山南
 日三為大鎮公退自公而退也釋捨也端坐拱
 手束帶敬也廐無良馬衣不熏香儉也讀書不
 釋卷家法句在官不奏祥瑞不度僧道不貸賊
 吏法凡理藩府急於濟貧郵孤有水旱必先期
 假貸廩軍食必精豐逋租必貰免館傳必增飾
 宴賓犒軍必華盛而交代之際食儲帑藏必盈
 溢於始至境內有孤貧衣纓家女及笄者皆為

帑坦朗反金幣所
 藏也

選婿出俸金為資裝嫁之貨音泰逋奔謨切貫
 音世傳朱戀切犒口

到切帑音倘藏上為並去聲溢音逸○在官以
 下皆柳氏之家法貸寬也假貸謂以錢穀借之
 廩倉廩軍食軍餉逋欠也貫除也館客舍傳馬
 驛犒勞也儲蓄也帑藏皆庫名所以貯金帛者
 衣纓猶簪纓及笄年十五者熊氏曰不奏祥瑞
 為諂上也吳氏曰食儲帑藏盈溢於始至出納
 有藉用無所私而致也○柳玘曰王相國涯方居相位掌

利權竇氏女歸請曰玉工貨一釵奇巧須七十
 萬錢王曰七十萬錢我一月俸金耳豈於女惜
 但一釵七十萬此妖物也必與禍相隨女子不
 復敢言相國相位之相去聲於女之女音汝復
 扶又切○王涯唐宰相掌利權謂其兼

度支塩鐵榷茶等使也。竇氏女，淮女嫁竇氏者，婦謂婦寧。熊氏曰：淮實斬嗇，托辭拒之。然妖物必與禍隨，則名言也。蓋妖巧之物，人所貪競，固有招禍之道也。數月，女自婚姻會歸，告王曰：前時，釵為馮外郎妻首飾矣。乃馮球也。王嘆曰：馮為郎吏，妻之首飾有七十萬錢，其可久乎？球音求。○婚姻會，因婚姻而燕會也。馮為賈相餽，門人寂密，賈有蒼頭，頗張威福。馮召而勗之，未浹旬，馮晨謁賈，有一青衣捧地黃酒出，飲之。食頃而終，賈為出涕，竟不知其由。餽音速，勗音旭，浹音鍊，亦宰相，密親密也。奴僕以蒼為巾，故曰蒼頭。勗勉也。浹，周也。十日為旬。二青衣，二僮使也。地

黃藥名，無毒，蓋他酒詭稱耳。食頃，一飯之頃也。球以奴張威福，恐為主累，故戒之。奴恐球告主，故毒殺之。又明年，王賈皆構禍。構音垢。○遭遇也。淮所殺噫王以珍玩奇貨為物之妖，信知言矣。徒知物之妖，而不知恩權隆赫之妖，甚於物耶？馮以昇位貪寶貨，已不能正其家，盡忠所事而不能保其身，斯亦不足言矣。賈之臧獲，害門客于牆廡之間，而不知欲終始富貴，其可得乎？廡音武。○恩權之隆赫，禍機所伏也。故謂之妖。知言，本謂知言之是非，此則謂知理之言也。盡忠所事，謂盡心於餽也。奴曰臧婢，曰獲，指蒼頭。門客，指馮球。廡，堂下周屋也。此雖一事作戒。

數端熊氏曰：玆玩奇貨不可食一戒也。恩權隆赫不可恃二戒也。溺愛而不能正家三戒也。失言而不能保身四戒也。嬖臧獲張威福害門客而不知五戒也。○王文正公

發解南省廷試皆為首冠或戲之曰：狀元試三

場一生喫著不盡公正色曰：曾平生之志不在

溫飽解冠並去聲著音酌○公名曾字孝先宋青州人仕至宰相謚文正狀元指公試三場言鄉試省試廷試皆第一也○范文正公少

有大節其於富貴貧賤毀譽歡戚不一動其心

而慨然有志於天下嘗自誦曰：士當先天下之

憂而憂後天下之樂而樂也少去聲譽音干樂音洛○不一動其

心謂富貴不慕貧賤不厭毀之不怒譽之不喜

得而不歡失而不戚也天下未憂而先憂天下

已樂而後樂仁其事上遇人一以自信不擇利

人之心如如此

害為趨捨其有所為必盡其方曰為之自我者

當如是其成與否不在我者雖聖賢不能必

吾豈苟哉自信守其正也如是盡其方也事上待人一以自信而不趨利不避害有

所為必盡其方而成敗不苟焉

○司馬溫公嘗

言吾無過人者但平生所為未嘗有不可對人

言者耳誠而已○管寧嘗坐一木榻積五十餘年

未嘗箕股其榻上當膝處皆穿股音古○寧字幼安漢高士古

小書六

正九

人危坐如跪箕股謂兩展其股狀如箕也○呂正獻公自少講學即

以治心養性為本寡嗜慾薄滋味無疾言遽色

無窘步無惰容凡嬉笑俚近之語未嘗出諸口

於世利紛華聲伎游宴以至於博奕奇玩淡然

無所好少去聲窘巨隕切俚音里伎音忌好去聲○治心收其放心也養性養其德性

也自寡嗜慾以下皆治心以養性之○明道先

事窘迫促也俚鄙俗也伎巧戲也○明道先

生終日端坐如泥塑人及至接人則渾是一團

和氣塑音素○終日端坐如泥塑人敬也○明道先生作字時甚

敬嘗謂人曰非欲字好即此是學朱子曰此亦可以收放心

劉器之字安世

掣肘矛盾皆係故事世所能知註不舉故事唯就字施解疎矣

○劉忠定公見溫公問盡心行己之要可以終

身行之者公曰其誠乎劉公問行之何先公曰

自不妄語始忠定元城先生謚也朱子曰溫公所謂誠即大學所謂誠其意者指

人之實其心而不欺也劉公初甚易之及退而自隳括日

之所行與凡所言自相掣肘矛盾者多矣力行

七年而後成自此言行一致表裏相應遇事坦

然常有餘裕易音異隳音隱掣昌列切肘音帚

以不妄語為易也操曲者曰隱正方者曰括皆

制木之器也自相掣肘矛盾喻言行相違也吳氏曰掣挽也肘臂節也掣肘謂肘欲動運而人挽之不能運也矛有鈎之兵盾即今傍牌也矛

盾謂矛欲傷人而盾蔽之不能傷也。○劉公見賓客譚論踰時體

無欹側肩背竦直身不少動至手足亦不移音欹

欺竦音聳。○徐積仲車初從安定胡先生學敬而已矣。

潛心力行不復仕進其學以至誠為本事母至

孝自言初見安定先生退頭容少偏安定忽厲

聲云頭容直某因自思不獨頭容直心亦要直

也自此不敢有邪心卒謚節孝先生仲車父早卒盡孝於

所以一撥便轉終身不為惡也。○文中子之服

儉以絜無長物焉綺羅錦繡不入于室曰君子

長直亮反

非黃白不御婦人則有青碧絜潔同長音丈○

不垢汚長剩也無長物謂儉絜之外無所增飾也黃白麻絲自然之色青碧染造使然之色

○柳玘曰高侍郎兄弟三人俱居清列非速客

不二羹蔬夕食齧葡萄而已齧音恣齧音核匏音庖○高氏兄弟

唐人長武翰林學士次銖給事中次錯禮部侍郎速召也不二不兼設也羹肉羹蔬肉齧齧猶皆菜名

○李文靖公治居第於封丘門外廳

事前僅容旋馬或言其太隘公笑曰居第當傳

子孫此為宰輔廳事誠隘為太祝奉禮廳事則

已寬矣公名沆字太初位宰相謚文靖宋洛州人第第宅封丘宋都門名廳所以治事

故曰廳事旋回轉也隘窄狹也○張文節公為

相自奉如河陽掌書記時所親或規之曰今公

受俸不少而自奉若此雖自信清約外人頗有

公孫布被之譏公宜少從衆公嘆曰吾今日之

俸雖舉家錦衣玉食何患不能顧人之常情由

儉入奢易由奢入儉難吾今日之俸豈能常有

身豈能常存一旦異於今日家人習奢已久不

能頓儉必至失所豈若吾居位去位身存身亡

如一日乎相去聲易音異○公名知白字用晦

宋滄州人初為河陽掌書記後為宰

相諡文節漢丞相公孫弘為布被汲黯曰弘俸

祿多而為布被此詐也或人見文節之儉約亦

疑其詐故引是○溫公曰先公為郡牧判官客

至未嘗不置酒或三行或五行不過七行酒沽

於市果止梨栗棗柿肴止於脯醢菜羹器用瓷

漆當時士大夫皆然人不相非也會數而禮勤

物薄而情厚菴音慈數音朔○溫公父近日士

大夫家酒非內法果非遠方珍異食非多品器

皿非滿案不敢會賓友常數日營聚然後敢發

書苟或不然人爭非之以為鄙吝故不隨俗奢

靡者鮮矣

案亦作按。○內法謂宮內造酒之嗟法營辨也。聚集也。書謂召客之書。

乎風俗頹弊如是居位者雖不能禁恐助之乎

居位謂居相位時公已作相矣

○溫公曰吾家本寒族世以清

白相承吾性不喜華靡自為乳兒時長者加以

金銀華美之服輒羞赧棄去之年二十忝科名

聞喜宴獨不戴花同年曰君賜不可違也乃簪

一花平生衣取蔽寒食取充腹亦不敢服垢弊

以矯俗干名但順吾性而已

赧乃板切矯音皎○忝叨也聞喜進

士宴各垢汚弊壞矯拂干求也○汪信民嘗言人常咬得菜根

矯舉天反

則百事可做胡康侯聞之擊節嘆賞

信民名革宋臨川人

康侯文定公字也人能其澹泊而不以外物動心則可以有為矣擊節一說擊手指節一說擊器物為節皆通嘆嗟嘆賞稱賞朱子曰學者須常以志士不忘在溝壑為念則道義重而計較死生之心輕矣况衣食外物至微末事不得未必便死亦何用犯義犯分役心役志營營以求之耶某觀今人因不能咬菜根而至於失其本心者衆矣可不戒哉

右實敬身

凡二十八章李氏曰首十四章則次一章實衣服之制末六章實飲食之節

小學卷之六終

小學卷之六終

四三

